



www.napoli-turistica.com

Un blog di informazione turistico-culturale, perchè ci piace scrivere delle nostre avventure alla scoperta di Napoli e della Campania e speriamo così di contribuire a promuoverla.

Testo Tammuriata Nera

di Nicolardi e di E.A. Mario

Io nun capisco, ê vvote, che succede,
e chello ca se vede
nun se crede! Nun se crede!
E' nato nu criaturo niro, niro
e 'a mamma 'o chiamma Giro,
sissignore, 'o chiamma Giro.
Seh! Gira e vota, seh!
Seh! Vota e gira, seh!
Ca tu 'o chiamme Ciccio o 'Ntuonno,
ca tu 'o chiamme Peppe o Giro,
chillo, 'o fatto, è niro, niro,
niro, niro comm'a che!
'O contano 'e ccummare chist'affare:
"Sti fate nun sò' rare,
se ne contano a migliare!
A 'e vvote basta sulo na guardata,
e 'a femmena è restata,
sott' 'a botta, 'mpressiunata".
Seh! Na guardata, seh!
Seh! Na 'mpressione, seh!
Va' truvanno mo chi è stato
ch'ha cugliuto buono 'o tiro,
chillo, 'o fatto', è niro, niro,
niro, niro comm'a che!
Ha ditto 'o parulano:" Embè parlammo,
pecchè, si raggiunammo,
chistu fatto nce 'o spiegammo!
Addò' pastine 'o ggrano, 'o ggrano cresce,
riesce o nun riesce,
sempe è grano chello ch'esce!"
Meh! Dillo â mamma, meh!
Meh! Dillo pure a me!
Ca tu 'o chiamme Ciccio o 'Ntuonno,
ca tu 'o chiamme Peppe o Giro,
chillo, 'o fatto, è niro, niro,
niro, niro comm'a che!